

四庫全書

經部

欽定四庫全書

經部

欽定周官義疏卷三十三

詳校官監察御史臣施朝幹

刑部郎中臣許兆椿覆勘

覆校官監丞臣侍朝

校對官監丞臣張曾炳

謄錄監生臣陳燦

欽定四庫全書

欽定周官義疏卷三十三

夏官司馬第四之六

職方氏掌天下之圖以掌天下之地辨其邦國都鄙四

夷八蠻七閩九貉五戎六狄之人民與其財用九穀六

畜之數要周知其利害

閩梅仲反貉孟  
五反畜許六反

正義鄭氏康成曰天下之圖如今司空輿地圖也鄭

司農云東方曰夷南方曰蠻西方曰戎北方曰貉狄

某謂閩蠻之別也國語閩芋蠻矣

賈疏案鄭語史伯曰蠻芋蠻矣不作

閩後人傳寫誤也鄭氏以閩為正後分為七種故謂之七閩

四八七九五六周之

所服國數也財用泉穀貨賄也利金錫竹箭之屬害

神姦鑄鼎所象百物也

賈疏宣三年左傳王孫滿對楚子

爾雅九夷

八蠻六戎五狄謂之四海

賈疏爾雅數與此不同

鄭氏鶚曰

辨其人民則以廣谷大川異制民生其間異俗衣服飲食異宜器械異制辨其財用則以布帛財貨所資者不同辨其九穀則以土之所宜或四種五種各不

同辨其六畜則以物之所產或四擾三擾各不同故也

案山師川師所辨之利害謂設險之要害也土訓誦訓所道地慝方慝謂惡物汚俗之害也知其害則利可興開道通津則疆圉之利也除惡革汚則禮俗之利也職方通掌九畿必周知之然後封守可定政教可頒

通論鄭氏鍔曰職方所掌地圖即大司徒土地之圖

也然大司徒所掌以知中國九州可以建國分封之地且辨土宜而施教也職方所掌則兼中國外蕃而知其土之所有司馬施九畿之政職必本是圖故屬司馬而不屬司徒

存疑賈氏公彥曰趙商問明堂位九夷八蠻六戎五狄數與此異鄭答職方氏四夷四方夷狄也九貉即九夷在東方戎狄之數或六或五爾雅有其數文不甚明故不定

乃辨九州之國使同貫利

正義鄭氏康成曰貫事也 王氏昭禹曰事之有條

謂之貫

東南曰揚州

正義賈氏公彥曰自此已下陳九州之事總為三道  
先從南方起周改禹貢以徐梁二州合於雍青分冀  
州地以為幽并東南曰揚州次正南曰荊州西南不  
置州統屬雍州故即次河南曰豫州為一道次正東

曰青州次河東曰兗州次正西曰雍州為二道又次  
東北曰幽州次河內曰冀州次正北曰并州為三道  
若禹貢治水則以冀兗青徐為一道揚荊豫梁雍為  
一道先從下起與此異 易氏祓曰禹貢揚州之域  
東距海北據淮故曰淮海惟揚州殷人以淮入徐故  
揚州止謂之江南周人復以入揚循禹之舊

案易氏說本爾

雅九州郭璞疑爾雅所列為殷制也

其山鎮曰會稽

會古反



正義鄭氏康成曰鎮名山安地德者也會稽在山陰

賈疏山陰縣名案夏本紀禹會諸侯于江南計功而崩因葬焉命曰會稽會稽者會計也

易氏

祓曰會稽漢志屬會稽之山陰縣唐為越州會稽縣

山在東南二十里今州為紹興府 薛氏曰充之岱

荆之衡雍之嶽并之恆豫之華五州五鎮各正其方

所謂五嶽是也青之沂山幽之醫無閭冀之霍山揚

之會稽不可以嶽名也則謂之鎮而已總言之四鎮

五嶽皆山鎮也

其澤藪曰具區

正義鄭氏康成曰大澤曰藪

賈疏案澤虞職注水鍾曰澤水希曰藪則澤藪

別此注大澤曰藪者澤藪相因故也

具區在吳南

易氏祓曰孔安國

云震澤吳南太湖名孔穎達云吳縣治居震澤之東

北故傳謂在吳南而地理志云具區在西也唐屬蘓

州今為平江府 王氏鰲曰太湖在蘇州西南四十

五里廣三萬六千頃中有七十二山蘇州之吳縣吳

江湖州之烏程長興常州之宜興武進無錫皆濱之

其上源西北有寧國建康諸水至溧陽并延陵丹陽諸水於宜興由百瀆以入西南有苕霅諸水會於長興烏程由七十二瀆以入下流皆由吳江縣之南入於松江以歸海一名震澤書震澤底定是也一名具區職方揚州之藪曰具區是也

### 其川三江

辨正黃氏度曰韋昭以松江浙江浦陽江為三江郭璞以岷江松江浙江為三江大抵吳越去海近水多

自為瀆俗皆稱為江有三馬則謂之三江其實皆小  
水非禹貢職方之三江也范蠡所云三江當為浙錢  
清剡子胥所云三江則郭景純說近之蓋岷江自彭  
蠡而下合池宣昇潤真揚諸州水在其北松江合湖  
秀蘇常諸州水居其中浙江合衢婺徽嚴杭越諸州  
水在其南此為全吳地域也 歸氏有光曰古今論  
三江者班固韋昭桑欽之說近之但固以蕪湖東至  
陽羨入海昭分錢塘江浦陽江為二桑欽謂南江自

牛渚上桐水過安吉歷長瀆為不習地勢程大昌辨之詳矣然孔安國蘇軾所論亦未必然也今從郭璞以岷江松江浙江為三江蓋自揚州斜轉東南揚子江吳松江錢塘江三處入海而皆以江名其為三江無疑直學邊實修崑山志言大海自西泮分南北由轉斜而西朱陳沙謂之揚子江口由徘徊頭而北黃魚塢謂之吳松江口浮子門而上謂之錢塘江口以此驗之禹迹無改

案三江之目言人人殊曰松江婁江東江者此吳之

一隅曰浙江錢清江剡江者此越之一隅

浦陽江與剡溪合下

流為曹娥江

皆土人因其支別有三而名之不足當三江

之正揚州之域北跨大江南踰會稽則岷江在北浙江在南而松江居其中此說無以易矣韋昭分浦陽與浙為二而浦陽特浙之支耳桑欽謂大江水自貴口分流過安吉而入震澤而不知貴池以東宣歙之間中高不相接也班固謂蕪湖水東至陽羨則漢時

固然蓋高淳縣東五十里其地中高本不與江相通  
春秋時伍員伐楚穿渠以運因名胥溪江水漫溢則  
倒灌胥溪而趨陽羨以入震澤而三代以前本未通  
也自明築廣通埧今俗名東壩而蕪湖以西之水仍入大  
江矣若禹貢東為北江東為中江者則專就岷江而  
別之且在揚州之上流要非職方所指也

其浸五湖

浸子  
陰反

正義鄭氏康成曰浸可以為陂灌溉者

案張勃陸龜蒙輩皆謂五湖即太湖或云以周行五  
百里故名或云上稟咸池五車之氣或云環湖隨地  
異稱有菱湖莫湖游湖貢湖胥湖之別若然則經既  
言澤數具區不必更言其浸五湖矣且揚州地域遼  
濶湖浸繁多胡舍其可紀者而必複舉具區之一以  
當二乎是則具區縱有五湖之名而必非職方之五  
湖也虞翻曰滬湖洮湖射湖貴湖及太湖為五韋昭  
曰胥湖蠡湖洮湖滬湖就太湖而五李圖以彭蠡巢



湖鑑湖洞庭并太湖而五柯山以射陽湖丹陽湖彭蠡湖青草湖并太湖而五洞庭青草當屬荊州非揚域也大抵楚州之射陽洪州之彭蠡巢縣之巢湖暨洮滬鑑等皆為南方之浸或當數其尤大之五者而具區既列澤藪則不復數之與 每州澤藪一舉其尤大者以表之猶山之有鎮也川與浸則或二或三或五以包其餘山一而川澤多者舟楫灌溉之利其用廣也

其利金錫竹箭其民二男五女其畜宜鳥獸其穀宜稻

注故書箭為晉杜子春云  
晉當為箭書亦或為箭

正義鄭氏康成曰錫鑱也箭篠也

賈疏箭一名篠故  
禹貢云篠簜是一

物二  
名也

鳥獸孔雀鸞鷁犀象之屬

易氏被曰禹貢

揚州惟金三品瑤琨篠簜爾雅會稽之竹箭考工記

吳越之金錫 稻生於水澤之地揚州居東南之極

及支川下流之所歸厥土為塗泥為沮洳故其穀宜

稻

案九州男女之數所以皆可凡數者司民自生齒以上皆書於版而諸侯歲獻民數則按籍可稽所以具列於職方者男女偏多偏少之地所以差其征役紀其作業者政教不得而同也

正南曰荊州

正義易氏祓曰禹貢荊及衡陽惟荊州殷之荊州其北境曰漢南以地理志考之荊山在南郡臨沮縣漢水又在其北正屬襄陽言漢南則跨荊山之北至周

復以荆門之北屬豫州復禹封域

其山鎮曰衡山

正義鄭氏康成曰衡山在湘南 蔡氏沈曰衡山南

嶽也

廣雅岵嶽謂之衡山

地志在長沙國湘南縣今潭州衡山

縣

案衡山縣宋屬潭州今屬衡州府

易氏祓曰衡山漢志在長沙

國湘南縣東南唐屬衡州衡陽縣本酃縣地衡山連  
亘數邑凡酃縣之東北以至湘南縣之東南皆衡山  
也

其澤數曰雲薈

薈鳴鳳反

正義鄭氏康成曰雲薈在華容 杜氏預曰楚之雲

薈跨江南北 賈氏公彥曰案禹貢荊州雲土薈作

又注其中有平土丘水去可作畎晦之治則據有水

之處亦得為澤也 易氏祓曰雲夢澤漢志在南郡

華容縣南司馬相如言雲夢方八九百里則雲薈非

止一澤隨所在而為之名左傳定四年楚子涉睢濟

江入於雲中則知在江之北者為雲昭三年楚子以

鄭伯田于江南之夢則知在江之南者為瞢禹貢言  
雲土夢作乂蓋南高北下不等故江北之雲方見土  
而江南之夢已作乂其勢然也

案漢書地理志雲夢澤在南郡華容縣南

漢華容縣  
今荊州府

監利石首二縣地非  
今岳州府之華容縣

水經注雲杜縣

今安陸府  
京山縣

東北

有雲夢城又夏水東逕監利縣南縣土卑下澤多陂

陂西南自州陵

今安陸府  
沔陽州

東界逕於雲杜沌陽

今漢  
陽府

漢陽  
縣

為雲瞢之藪杜預云枝江縣

今屬荆  
州府

安陸縣

今屬

德安府

有雲夢元和志雲夢澤在安陸縣南五十里又

云雲夢澤在雲夢縣西七里

今屬德安府

然則東抵蘄州

西抵枝江京山以南青草以北皆為古之雲夢所謂雲夢一澤而每處有名者也

### 其川江漢

正義易氏被曰禹貢所記江漢皆發源於梁州周官不載梁州山川故至荊州而後言其川江漢也江自今歸州之秭歸縣至鄂州之武昌縣凡一千四百餘

里漢江自今均州之武當縣至漢陽軍之漢陽縣凡一千四百餘里皆荊州之地江漢分流於其間至是合流詩曰滔滔江漢南國之紀是也

案江水出今四川松潘衛北西蕃間源有三支正支

自浪架嶺

岷山之隨地異名者

南流東支自弓楨口至樟臘營

合正支西支自殺虎塘至黃勝關合正支南經茂州威州汶川縣以至灌縣離堆岐為數十股滂沱南下左抱成都府西環崇慶州衆流以次會於新津縣南



又南行逕睢州嘉定州至叙州府東南合金沙江折而東北流至重慶府嘉陵江涪江自北來合流入之又東北經夔州府巫山縣入湖廣界東流至夷陵州東南流至枝江縣又東流至荊州府折而南流至石首縣又東流至監利縣又南流至岳州府折而東北流至武昌府與漢水合又東流至黃州府又東南流入江西界至湖口縣鄱陽水合之又東北流入江南界經江寧府鎮江府至通州入海漢水出今陝西漢

中府寧羗州北蟠冢山初名漾水東至南鄭縣南為漢水東流至白河縣入湖廣界又東流經鄖縣至均州又東南流歷光化穀城二縣至襄陽縣東津灣折而南流經鍾祥縣至潛江縣大漢口復東流經漢川縣至漢陽縣漢口合岷江

存疑賈氏公彥曰江在荊州未分為三故直云江有漢水過焉故江漢竝言也

其浸潁湛

潁音沈又直減反

正義鄭氏康成曰潁出陽城宜屬豫州在此非也

賈疏

據地理志合在豫州又昭元年左傳王使劉定公勞趙孟于潁亦在豫州湛未聞易氏

祓曰襄十六年左傳楚公子格帥師及晉師戰于湛阪杜注襄城昆陽縣北有湛水東入汝案地志襄城即今汝州之襄城縣昆陽故城在今汝州之葉縣皆古豫州之地經以為荊州之浸必有脫誤處

存疑黃氏度曰鄭氏言潁宜屬豫州據禹貢也然周人畫地或有所更革湛水酈道元水經注出犍縣北

魚齒山西北東南流歷魚齒山下為湛浦注云未聞  
疎也案今汝州魯山縣即漢之犍縣魚齒山在龍興  
縣連接梁縣是則周荊州界自隨巴唐鄧東北至汝  
潁與豫州分界而荊牧治宛宣王封申伯  
案詩嵩高箋命申伯為侯伯孔疏申國在宛故云

案經曰浸則必瀦水之陂澤也潁湛特川之小者無  
論荊豫睽隔抑亦不可以浸名矣荊州地域廣遠雲  
夢而外洞庭青草太白諸湖不少乃欲借浸於鄰壤

乎蓋古今名號無常或經傳字畫訛異不可得而確指而要非楚竟諸湖不可被此名也

其利丹銀齒革其民一男二女其畜宜鳥獸其穀宜稻

正義鄭氏康成曰齒象齒也革犀兕革也

賈疏革用為甲故函

人有犀兕春秋傳犀兕尚多

王氏志長曰禹貢荊州厥貢羽毛

齒革惟金三品礪砥砮丹 易氏祓曰禹貢荊州亦

言金與錫楷則未嘗無金錫竹箭揚州亦言齒革及惟金三品則未嘗無丹銀齒革特以其地產之多者

言之

河南曰豫州

正義易氏被曰禹貢荆河豫州其封在大河之南南  
條荆山之北故曰荆河殷之豫州則南境距漢北境  
接河故曰河南周人於豫州亦曰河南而南境則仍  
禹貢之舊

案以華山為鎮則禹貢雍州東南之境亦入豫

其山鎮曰華山

華如字又  
胡化反

正義鄭氏康成曰華山在華陰

案華陰縣今屬同州府

易氏

祓曰華山漢志太華山在京兆華陰縣南後漢華陰屬弘農郡唐及今為華陰縣

其澤藪曰圃田

圃音補

正義鄭氏康成曰圃田在中牟易氏祓曰圃田澤

漢志在河南郡中牟縣西唐以縣屬鄭州今屬開封

府圃田澤一名原圃

其川滎雒

滎戶青反

正義鄭氏康成曰滎兗水也出東垣入於河決為滎

滎在滎陽

案兗水即沅水出河東郡垣縣注云出東垣東字衍文也

易氏被曰

滎水禹貢導沅水東流為濟入於河溢為滎是也厥後濟不溢河滎澤遂枯漢志河南郡雖有滎陽縣而不言滎澤但云有狼湯渠首受沛東南至陳入潁唐元和志鄭州滎陽縣西北四里有故瀆恐未必然蓋水北為陽縣當在澤北不當澤在縣北也雒水漢志出弘農郡上雒縣冢嶺山東北至鞏縣入河唐志冢



嶺山在商州洛南縣南七十里洛水所出也又東流至州之上洛縣又東流至虢州盧氏縣界熊耳山在縣南五十里又東至河南府之鞏縣會伊澗瀍之水以入於河

案滎澤在今河南開封府滎陽縣南三里古城村案孔安國書傳云滎澤波水已成過豬正義曰鄭云今塞為平地滎陽民猶謂其處為滎澤在其縣東雒水出今陝西西安府雒南縣冢嶺山至河南府鞏縣入

河

其浸波澁

澁莊加反  
又音詐

正義鄭氏康成曰波讀為播禹貢榮播既豬春秋傳

楚子除道梁澁營軍臨隨

賈疏莊四年左傳

則澁宜屬荊州

在此非也 易氏祓曰波注讀為播孔安國亦言禹

貢有播水無波水音與播同古字從山從番讀為播

冢之播爾雅水自洛出為波其地蓋在盧氏鞏縣之

間即今商虢州河南府之地也

案易氏以水自洛出為波而洛水自盧氏

縣至鞏縣入河故云然乃揣度之辭盧氏在西南鞏在東北相去七八百里從何處覓波水若商虢則皆深山河南府又廓落無可指也  
虢州今之陝州

存疑易氏被曰澁水左傳莊四年楚令尹闞邲莫敖屈重除道梁澁營軍臨隨杜氏以為澁水在義陽厥縣西東南入鄖水義陽即今信陽軍之西去隨甚近唐志澁水出隨州隨縣西四十里此正古豫州之地康成以為宜屬荊州蓋漢人誤以南陽郡為荊州不知古荊在荊山之南康成徇漢地志而誤也  
黃氏

度曰水經注魯陽縣霍陽西大嶺東谷俗謂之歇馬嶺即應劭所謂孤山波水所出也水南流入淦杜佑通典此為豫浸之波魯陽今魯山縣霍陽山在今梁縣俗稱峴山又水經注澁水出隨州隨縣黃山南南流入鄖今案職方諸浸多相接而豫浸波澁原委頗異又相去遠而馬融廣成澤頌亦曰浸以波澁波近廣成澤澁則遠矣不知何以自古聯稱

案潁澁二字疑傳寫互譌豫州當曰潁波荊州當曰

湛澁鄭注似不可破 禹貢滎波既豬孔安國以為  
一水滎波即滎澤也職方既言其川滎則澤不應復  
數波豈所指即魯山之波與抑滎波當為浸而川之  
滎有訛誤與 易氏引唐志澁水出隨州隨縣此正  
古豫州之地康成誤以南陽郡為荊州徇漢地志而  
誤此說似可聽但澁最近南且屬豫浸矣凡潁澁波  
之在北者荊又安能軼有之哉

其利林漆絲枲其民二男三女其畜宜六擾其穀宜五

種

泉思里反

正義鄭氏康成曰林竹木也

賈疏地官山林別官鄭注竹木生平地曰林

六擾馬牛羊豕犬雞五種黍稷菽麥稻

賈疏豫州東與青州相接

青州有稻麥西與雍州相接雍州有黍稷故知有此四種麻菽及菰俱不見此經鄭取菽者蓋以當時目驗而知

王氏志長曰禹貢豫州厥貢漆枲絺紵

郝

氏敬曰豫州畜穀獨全者土氣正中也

正東曰青州

正義易氏被曰禹貢有青有兗有徐殷并青於徐而

徐兼揚之淮故江南曰揚州周復以淮歸揚而并徐於青正在畿東故曰正東

案淮於禹貢屬徐孟諸屬豫据下文川澤則青州之西南侵豫南并徐且跨淮而與揚接矣

### 其山鎮曰沂山

正義鄭氏康成曰沂山沂水所出也在蓋

賈疏沂水出沂山水

乃取名於山地理志沂水出今太山郡蓋縣

易氏被曰唐沂州沂水縣

本漢東莞縣屬瑯邪郡沂山在縣北一百二十四里

案漢志沂水出泰山郡蓋縣唐志沂州沂水縣有沂山實一山也延亘兩地耳在今山東青州府臨朐縣南百五十里

其澤數曰望諸

正義鄭氏康成曰望諸明都也

賈疏案禹貢道柯澤被明都禹貢無望諸

故從明都又案春秋宋數澤有孟諸明都即孟諸也

在睢陽

易氏被曰孟諸

澤唐志在宋州虞城縣西北十里漢屬沛郡今屬南京應天府孟諸俗號盟諸故書謂之孟諸周官謂之



望諸漢志謂之盟都史記謂之明都其實一也

案孟豬澤今河南歸德府商邱虞城二縣界有孟諸臺寰宇記云虞城孟諸澤俗呼為渚臺蓋澤中有臺也漢睢陽縣今商邱縣宋南京應天府今歸德府其川淮泗

正義賈氏公彥曰案禹貢海岱及淮惟徐州又云淮沂其乂此在青州者周以禹貢徐州地為青故也又禹貢淮出桐栢泗水在魯國出濟陰乘氏東又至睢

陵入淮行千二百一十里江河淮泗漢洛等注不釋  
所出者以禹貢有成文如導洛自熊耳導渭自鳥鼠  
導河自積石導江自岷山導淮自桐栢導漢自嶓冢  
是也

案康成作書注已於禹貢注明故周官職方不  
另釋以示互見之意今但存孔安國書傳而鄭

注亡

易氏祓曰禹貢導淮自桐栢漢志南陽郡平

氏縣桐栢大復山在其東南唐為桐栢縣屬唐州淮  
水所出也

案河南志胎簪在桐栢縣  
西三十里又名大復山

東流至蔡州之

真陽又至申州之義陽縣今為信陽軍信陽縣又東

流至光州定城縣又東北流至濠州招信縣招信縣  
今屬泗州本漢臨淮郡淮陵縣地乃古徐州之域漢  
志所謂淮至淮陵入海者也又東北經楚州之盱眙  
縣今為盱眙軍與泗州隔淮相對又至楚州山陽縣  
入海泗水漢志所載有二其一在濟陰郡乘氏縣東  
南至睢陵入淮此孔安國引以證禹貢者漢乘氏屬  
濟陰郡唐以郡為曹州今為興仁府縣屬焉睢陵即  
今泗州招信縣之北境也又一出魯國卞縣西南至

方與入沛唐元和志卞與方與皆在兗州今襲慶府泗水縣東陪尾山泗水出焉其源有四西南流至本州曲阜縣北分為二流北為洙南為泗其閒即孔子設教之地又西南三十五里至本州瑕邱縣西二十五里洙復與泗合又南流至本州魚臺縣界縣本漢方輿地屬山陽郡即所謂自方與入沛者也又東南流經徐州沛縣漢屬沛郡即所謂自沛入淮者也又東南經徐州彭城縣又至泗州以入於淮徐兗泗州

皆古徐州之境周并於青

案淮水發源河南南陽府桐柏縣桐柏山

山下有淮井泉源所

出

水經云出胎簪山者即桐栢之支峰也東流至光

州東北會汝水

出汝寧府遂平縣西六十里洪山

又東由固始縣入

江南潁州府界又東流至潁上縣東南潯水入之又

東北至懷遠縣合過河又東經長淮衛至五河縣合

澮河又東經泗州城南盱眙城北漫衍入洪澤湖東

北出淮安府清河縣之清口與黃河會東則刷黃河

以入海南則入運河以濟漕歷揚州府之寶應縣高郵州抵江都縣入揚子江案江淮本未通春秋時吳伐齊於廣陵城東南築邳城城下掘深溝謂之邳江東北通射陽湖而北至宋口屬淮此溝通江淮之故道也至晉永和中江都水斷乃於歐陽埭在江都縣西南引江至廣陵城而北出白馬湖合中瀆以至淮謂之山陽瀆隋時又開廣之以通戰艦明初陳瑄循故瀆開新運河以通漕即今之運道也泗水出山東兗州府

泗水縣東五十里陪尾山四源並發故名西南流至  
兗州府城東金口壩分為二派一越壩西南流至濟  
寧州界為泗河又西南至魯橋入運河一從壩上西  
流至兗州府城西為府河又西南至濟寧州東合洸  
水又西南至天井牕入運河

其浸沂沭

沭音述

正義鄭氏康成曰流出東莞 賈氏公彥曰沭出東

莞屬琅邪南至下邳入泗

案漢志琅邪郡東莞縣術水南至下邳入泗青州浸

師古曰術水  
即流水也

蔡氏沈曰沂水地志云出泰山郡蓋

縣艾山

寰宇記艾山  
一名臨樂

今沂州沂水縣也 易氏祓曰

沂水漢志在泰山郡蓋縣南至下邳入泗蓋縣在唐  
及今皆兗州之境下邳唐屬泗州今為淮陽軍沂水  
經下邳分為二一於城北西南入泗一經城東亦注  
泗謂之小沂水流漢志在琅邪郡東莞縣南至下  
邳入泗案唐志沂州沂水縣本漢東莞縣地流水所  
出東南至泗州下邳縣又東北至泗州漣水縣今為



連水軍至此與泗水合而入淮

案沂水出山東沂州府沂水縣西北一百七十里雕

崖山

鄭康成云沂水出沂山或云臨樂山鄆道元云沂水出艾山蓋雕崖臨樂艾山皆沂山支阜之

異名也

接蒙陰縣界南流至江南淮安府宿遷縣北匯

為駱馬湖又南入運河流水出沂水縣北大弁山東

南流逕莒州蘭山邳城界至江南沭陽縣逕桑漚湖

為連水

辨正薛氏季宣曰先鄭以青州之淮或為睢沭或為

洙直謂宋有次睢魯有洙泗曾不謂青之包徐也

其利蒲魚其民二男二女其畜宜雞狗其穀宜稻麥

正義易氏被曰禹貢於徐州言淮夷蠙珠暨魚周并

徐於青故青州其利蒲魚

存疑鄭氏康成曰二男二女其數等似誤也當與究

州同二男三女

賈疏青州西北與兗州相接故宜與兗州同二男三女

案鄭意若相等

當云一男一

女故疑誤

河東曰兗州

正義易氏被曰夏殷皆言濟河惟兗州謂東河之東  
濟水之北也周人以青兼徐而兗州又越濟之東南  
故徐之岱山職方以為兗之鎮山徐之大野職方以  
為兗之澤薮也故曰河東

案兗以岱為鎮則其東南侵入青徐大野亦徐境也  
周無徐州蓋分隸於青兗矣禹貢兗壤最小此稍擴  
焉

其山鎮曰岱山

正義鄭氏康成曰岱山在博

案春秋博邑今泰安縣

易氏被

曰岱山漢志在泰山郡博縣西北博在唐為乾封屬

兗州今為襲慶府奉符縣泰山一曰岱山禹貢海岱

惟青州海岱及淮惟徐州是青州在岱山東北徐州

在岱山東南周并徐入青而不以岱屬青州兗在西

北實兼有其地也

案襲慶府今之兗州府奉符縣今泰安府之泰安縣

其澤藪曰大野

正義鄭氏康成曰大野在鉅野

元和志曰大野澤

一名鉅野在鄆州鉅野縣東五里

鉅野縣今屬  
山東曹州府南北

三百里東西百餘里

易氏祓曰大野澤漢志在泰

山郡鉅野縣北唐以縣屬鄆州今屬濟州案禹貢徐

州言大野既豬周無徐州故以屬兗 王氏樵曰或

云鄆州中都西南有太野陂鄆州今東平州即古東

原而中都則汶上縣也今南旺湖實在汶上西南紫

迴百五十餘里漕河貫乎其中西湖廣衍倍於東湖

東湖北接馬踏伍莊坡湖以及安山南接蜀山馬場

坡湖以及昭陽諸湖連亘數百里而東原徐鄆諸邑  
又悉環列左右與古經志合是南旺湖即古大野無  
疑

其川河沛

沛子  
禮反

正義易氏祓曰禹貢言導河積石案漢志積石山在  
金城郡河關縣西南羌中河水行塞外東北入塞內  
唐及今為積石軍然禹導河始於積石其實河源遠  
在西塞之外漢張騫窮河源未至崑崙故漢志及水

經注皆不知其地唐穆宗長慶元年劉元鼎使吐蕃  
歸乃言湟水出蒙谷抵龍泉與河合朔河之上流繇  
洪濟渠西南行二千里水益狹其南三百里三山中  
高而四下曰紫山古所謂崑崙者也其地益劍南之  
西蕃曰悶摩黎山河源其間色赤行益遠他水并注  
則濁自此東北行直莫賀延磧尾入吐谷渾以至積  
石東北流至鄯州龍天縣界又東流至河州枹罕縣  
界又東流至蘭州五泉縣又東北流至會州會寧縣

又東北流至靈州迴樂縣又東北流至三受降城又東迤南至朔州之鄆陽縣又南流至嵐州合阿縣又南流至石州臨泉縣又南流至隰州永和縣又南流至慈州吉昌縣又南流至絳州龍門縣今以縣屬河中府乃龍門口即禹貢所謂至于龍門者也又南流至蒲州蒲州對河為華州華陰縣大華山在縣西八里河經大華之北即禹貢所謂南至于華陰者也至此方自南迤東至陝州陝右縣今為陝縣有底柱山



在黃河中禹貢所謂東至于底柱者也又東流至河  
南府之王屋縣又東流經府之河陽縣今為孟州有  
孟津禹貢所謂東至孟津是也又東流經府之鞏縣  
有洛水入河禹貢所謂東過洛汭是也又東流至衛  
州汲縣其黎陽縣有黎山即禹貢所謂至于大伾是  
也又東北流至相州臨河縣又東北流至澶州頓邱  
縣又北流至魏州貴鄉縣今省入於大名府之元城  
縣又東北流至貝州經城縣今省入大名府之宗城

縣又東北流至冀州南宮縣禹貢泒水亦入河以禹  
河東徙故自入海而不入於河泒水故瀆在縣東南  
六里禹貢所謂北過泒水是也又冀州西北接邢趙  
深三州三州皆有大陸澤禹貢所謂至于大陸是也  
又東北流至滄州饒安縣即禹貢北播為九河同為  
逆河入于海之地河行萬餘里豈獨謂兗州之川禹  
貢濟河惟兗州即其地考之自魏至滄凡一千三百  
餘里其河之東境皆兗州之域也泒水經及漢志字

皆從水從帀說文沛字注出兗州之川惟禹貢從水  
從齊又案漢志從水從齊者其水出常山郡房子縣  
贊皇山乃別一水名則此二字音同實異後世雖例  
以從水從齊者為兗州之川其實乃字之誤當以古  
文為正案禹貢導沅水東流為濟考之在河東郡之  
垣縣王屋山在縣東北沅水所出伏流至河內郡之  
軹縣唐為濟源縣以濟水出平地有二源故名濟源  
南流入于河禹貢入河復截河而南溢為滎滎在鄭

州滎澤縣本漢滎陽縣北實受溢河之濟水濟水自春秋後不復截河而入于滎今雖有滎澤而故瀆湮塞不可考矣又東至汴州又東北至曹州為陶邱又東北至荷澤在廣濟軍之東北自河至此凡七百餘里皆古濟所經之地今不復有濟水但存其名而已荷澤雖不受濟水亦自有源仍舊東流俗因其舊亦以濟名之然東南流至兗州金鄉魚臺入徐州沛縣與泗水合而入淮又一派禹貢濟水至荷澤即東北

會於汶汶水出兗州乾符縣今襲慶府奉符縣北流  
至鄆州須昌縣又東北流至齊州臨邑縣又東北流  
至淄州高苑縣又東流至青州博昌縣以入於海自  
汶水至此皆古濟之地實古兗州之域也

案河出今西蕃巴顏喀拉山東名阿爾坦河東北流

三百餘里合鄂敦塔拉諸泉源

大小千百泓錯列如星元史所謂火敦腦

兒即星宿海也

匯為查靈鄂靈二海子

各周三百餘里東西相距五十餘里元史

所謂匯二巨澤名阿剌腦兒也

折而北經蒙古托羅海山之南轉東

南流千餘里南北受數十小水經烏藍莽乃山下有多母打禿昆多倫河多拉昆多倫河自東南來入之

元史所謂納鄰哈刺乞兒馬出二水也

自此折而西北流三百餘里前

後小水奔注不可勝計繞阿木你馬勒產母孫山之

東

即元史所謂崑崙山也

流百五十餘里有齊普河呼呼烏蘇

河自西來入之又迤邐東北流三百餘里會踏克圖

袞俄羅濟諸水歷歸德堡

元史作貴德州

經積石山至陝西

臨洮府河州入中國界過蘭州又折而東北經寧夏

府流出塞外

河以內為河套地

又東南至延安府府谷縣入

塞

河以東為山西界

南流至潼關縣又折而東由河南山東

界至江南淮安府安東縣入海沅水即沔之上流蔡

傳所謂發源為沅既東為沔是也沔水出今河南懷

慶府濟源縣王屋山既見而伏至濟源縣西北五里

重源顯發有東西二池合流至溫縣東南入河其後

濟水枯不復截河今所謂濟非復禹時及周時之舊

矣

其浸廬維

廬維依注作雷  
雍廬石經作廬

正義鄭氏康成曰廬維當為雷雍字之誤也禹貢雷

夏既澤雍沮會同

賈疏禹貢及地理志無廬  
維又字類雷雍故從之

雷夏在

城陽

易氏祓曰注廬維當為雷雍蓋以濮州雷澤

縣雷夏澤在其北

案雷澤縣今  
曹州府濮州

又澠沮二水源俱出

雷夏澤正兗州之境也

案雷夏今山東曹州府濮州東南有雷澤接荷澤縣

界水經注云雷澤在大城陽故城西北十餘里其陂



東西二十餘里南北十五里即舜所漁也元和志  
水沮水俱出濮州雷澤縣西北平地去縣四十里九  
域志濮州有沮溝即禹貢澠沮會同是也宋時河決  
曹濮間澠沮之源適當其衝久而泥滓填淤二水遂  
涸蔡氏沈以汧睢當之非是韓汝節云汧睢在豫徐  
之境無預於兗州而兗自有澠沮也

存疑顏師古曰盧水在濟北盧縣康成讀為雷非也

唐以盧縣屬鄆州今廢入陽穀

案今濟南府長清縣西有廢盧縣

蔡氏沈曰濰水地志云出琅邪郡箕縣今密州莒縣

案莒縣今沂州府莒州

東北維山北至都昌入海今濰州昌邑

也

案濰州今濰縣屬萊州府

黃氏度曰濰水出密州莒縣維山

北至濰州昌邑縣入海盧水水經注出密州諸城縣

盧山即久台水也西北入濰

案康成以盧濰為雷雍解自明白師古以盧縣

水當之而黃氏度又謂即久台水久台水下流入濰水水經注謂之盧水較師古說又似易曉然究地之

浸俱在青州何也

案濰水出今山東沂州府莒州西北九十里箕屋山

即濰山也土人名為淮河

淮即濰字通作維惟並見漢書地理志其淮沂之淮

從佳與此異

東流逕諸城縣西折而北至萊州府昌邑縣

東北五十里入海

其利蒲魚其民二男三女其畜宜六擾其穀宜四種

正義鄭氏康成曰四種黍稷稻麥

賈疏兗州東與青州相接青州有稻

麥西與冀州相接冀州有黍稷故知為此四種

正西曰雍州

雍於用反

正義易氏祓曰禹貢有雍有梁故梁為正西而雍為

西北殷周皆省梁入雍故雍州為正西

案雍於中國為正西職方無梁則雍直互南北矣所以無梁者蜀中險遠必其時有未入版圖者也以華為豫之鎮則雍之東境有分入於豫者

其山鎮曰嶽山

正義鄭氏康成曰嶽吳嶽也 蔡氏沈曰地志扶風

汧縣西吳山古文以為岍山今隴州吳山縣吳嶽山

也

案吳山縣今隴州屬鳳翔府

職方雍州山鎮曰嶽山晁氏以為

今之隴山天井金門秦嶺皆是

案岍山漢書地理志名吳山在今陝西鳳翔府隴州南八十里

其澤藪曰弦蒲

正義鄭氏康成曰弦蒲在汧 鄭司農云弦或為汧

蒲或為浦 賈氏公彥曰案地理志吳嶽山在汧縣

西有弦蒲之藪汧水出焉西北入渭 易氏祓曰弦

蒲漢志扶風汧縣北有蒲谷鄉弦中谷雍州藪也今

屬隴州汧源縣

其川涇汭

汭如  
銑反

正義淮南子曰涇出薄落之山

高誘注薄落一名汧頭山括地志汧頭山

一名崆峒山在  
原州平涼縣西

鄭氏康成曰涇出涇陽汭在豳地

詩大雅公劉篇汭泥之即 蔡氏沈曰涇水地志出

安定郡涇陽縣西今原州百泉縣汧頭山也東南至

馮翊陽陵縣入渭今高陵縣也汭水地志作芮扶風

汧縣弦蒲葢芮水出其西北東入涇今隴州汧源縣

弦蒲藪有汭水焉 易氏被曰涇水漢志安定郡涇  
陽縣汧頭山在其西涇水所出唐以涇陽縣為平涼  
屬原州今屬渭州又東南流至涇州臨涇保定二縣  
又東南至邠州之宜祿新平永壽三縣又東北流至  
京兆府之醴泉高陵雲陽三縣以入渭汭水者非禹  
貢所謂芮也禹貢言芮渭水之北此汭則雍州之川  
名漢志出右扶風汧縣之西北東流入涇此正公劉  
居豳之地詩所謂芮鞠之即也徐廣曰古豳城在邠

州東北二十九里三水縣界唐志涇州臨涇縣有汭水西自隴州華亭縣流入一名宜祿川涇隴二州在邠州之西則非即邠州之汭然要皆雍州之川也

案涇水出陝西平涼府平涼縣西南笄頭山亦名崆峒山東至西安府高陵縣西南入渭汭水出平涼府華亭縣有二源北源出湫頭山之朝那湫南源出齊山至縣東與北河合又東至涇州西北入涇

其浸渭洛



正義鄭氏康成曰洛出懷德 賈氏公彥曰洛即詩

瞻彼洛矣之洛與禹貢導洛自熊耳者別 蔡氏沈

曰渭水地志出隴西郡首陽縣西南今渭州渭源縣

鳥鼠山西北南谷山也東至京兆船司空縣入河今

華州華陰縣也 易氏祓曰渭水漢志出隴西郡首

陽縣西南之鳥鼠同穴山唐省首陽入渭源今置渭

源堡屬熙州渭水有三源正東微南流至州之襄武

縣又東流至鞏州之隴西縣又東流至秦州上邽縣

又東流至隴州南田縣今省入吳山又東流至鳳翔府岐山縣又東流至京兆府萬年縣又東流至華州華陰縣東北入於河謂之渭口禹貢所謂汭是也洛水別是雍州一浸非禹貢導洛自熊耳之洛

案渭水出陝西蘭州府渭源縣西烏鼠山東至同州府華陰縣東北入河

存疑易氏按曰鄭注洛出懷德疏引詩瞻彼洛矣為證按漢志左馮翊懷德縣之彊梁源即洛水東南入

渭雍州浸懷德即今京兆之富平縣今縣屬耀州即  
漢左馮翊之地北條荆山在縣南正漢志洛水之源  
也孔安國禹貢注亦曰洛水出馮翊北孔穎達引水  
志出馮翊懷德縣東南流入渭正與漢志合又一洛  
水出慶州洛源縣在唐京兆之西北五百餘里攷之  
地志非一源案唐志慶州洛源縣本漢歸德縣屬北  
地郡有於向山在縣北三十里洛水所出因以名縣  
東流至鄜州洛交縣又東南流至京兆雲陽縣之東

境又經同州澄城縣之西境此去富平之懷德亦甚近不應言兩洛水以其異源而下流同入於渭故皆以洛水名之如冀之清漳濁漳青之大沂小沂徐之兩泗不害其為名稱之同

案康成注洛出懷德本漢志其實北地郡之歸德縣乃洛水上源漢志所謂洛水出北蠻夷中入河是也漢志於歸德但曰洛水於懷德曰雍州浸原是一水歸德其源懷德其委耳入河即謂入渭也關中諸水

自西而東者莫大於渭自北而南者莫大於洛易氏  
因鄭注而疑出慶州洛源者之別為一水非也漢歸  
德縣唐宋之洛源縣其下流曰洛川縣曰洛交縣皆  
因此水得名洛源今合水縣也

其利玉石其民三男二女其畜宜牛馬其穀宜黍稷  
正義賈氏公彥曰藍田見有玉山出玉石雍州并宜  
麥此不言者以黍稷為主也 易氏被曰禹貢雍州  
厥貢球琳琅玕孔氏謂球琳琅皆玉名琅玕石似玉

東北曰幽州

正義易氏祓曰舜十二州本有幽州水土既平因冀為帝都省幽入冀殷人南都河南之亳復舜幽州之名周人又以幽州兼殷之營州實禹貢青州隔海東北之境故曰東北

案幽之東北以醫無閭為鎮而南至淄水則跨海而與青州接界矣

其山鎮曰醫無閭

正義鄭氏康成曰醫無閭在遼東 易氏被曰醫無

閭漢志在遼東郡無慮縣

案師古云無慮即所謂醫無閭在今綿州府廣寧縣

北

其澤數曰獫狁

獫狁音兮

正義鄭氏康成曰獫狁在長廣

賈疏長廣縣名地理志長廣屬徐州琅邪

郡有萊山周時幽州南侵徐州之地也

案漢琅邪郡屬徐州者在周亦青州地周無徐州也賈疏南侵

徐州據漢時言耳

杜子春讀獫狁為奚

案漢志作奚

易氏被曰獫

狁漢志在琅邪郡長廣縣西幽州數唐萊州昌陽縣

本漢縣屬東萊郡今為萊陽縣驛養澤在縣東北四十里蓋澤介乎東萊琅邪兩郡之間

案驛養在今山東登州府萊陽縣在禹貢宜屬青州

其川河涕

涕子禮反

正義易氏祓曰經於兗州言其川河涕蓋兗州北距河而南據涕禹貢言濟河惟兗州則為兗州之川宜也幽州遠在東北於河涕何與蓋幽州雖跨有遼水為東北而實西南越海兼有青州之東北境所以琅



邪郡之獫養澤泰山郡之淄水千乘郡之時水皆在  
幽州之域光武十三年以遼東屬青州二十四年還  
屬幽州是幽州實可以有青州王璜張揖云九河陷  
海中是九河未陷之前凡登萊海岸及濱滄二州之  
東境皆在幽州之地與兗州東西分界故其川同列  
河沛

案河沛二字經或有訛易氏雖強言之恐非其實也

其浸菑時

菑禹貢  
作淄

正義鄭氏康成曰菑出萊蕪時出般陽 蔡氏沈曰

淄水地志云出泰山郡萊蕪縣原山今淄州淄川縣

案淄川縣今屬濟南府

東南七十里原山也東至博昌縣入濟

今青州壽光縣也 黃氏度曰淄水出淄州淄川縣

原山北至博興縣入濟時水在臨淄縣齊城西平地

出泉南北凡二十五里亦謂之源水東北至千乘縣

入淄 易氏被曰淄水漢志出泰山郡萊蕪縣原山

東至博昌入沛幽州浸攷輿地記則襲慶府萊蕪縣

有原山溜水所出其地卽漢之泰山郡東北流入溜  
川縣漢萊蕪故城在其東北過臨淄縣東又東北入  
於海與漢志入沛不同者蓋入沛乃禹迹之舊自沛  
之上流既涸故溜水入海時水在今青州臨淄縣本  
漢千乘郡之地漢志千乘郡博昌縣有時水東北至  
鉅定縣入馬車瀆幽州浸

案溜水出青州府益都縣西南顏神鎮東南二十五  
里岳陽山卽原山也其山接濟南府章邱淄川泰安

府萊蕪三縣淄水出於山之東谷東北流至青州府  
壽光縣北由清水泊入海時出般陽漢地理志濟南  
郡般陽縣不言時水出而十乘郡博昌縣言時水東  
北至鉅定入馬車瀆志言其委耳今山東通志時水  
即烏河出青州府臨淄縣西南槐樹村北流受瀋水  
系水逕新城縣之索鎮口東南入博興縣界下注麻  
大泊

其利魚鹽其民一男三女其畜宜四擾其穀宜三種

正義鄭氏康成曰四擾馬牛羊豕三種黍稷稻

賈疏幽州

西與冀州相接冀州皆黍稷幽州見宜稻故知三種為黍稷稻也

易氏被曰幽州

跨海故有魚鹽之利

河內曰冀州

正義易氏被曰舜時十有二州有幽有并  
有冀水土既平之後以冀為帝都省幽并入焉  
以餘州準之則知禹貢冀州東西南三面距河而北境則越乎常山  
今之燕雲營平諸州皆其地也殷人以冀州北境復

舜之幽州而東西南皆禹跡之舊蓋東河之西西河之東南河之北也故曰兩河間周人又分冀而復舜之并州故曰河內而已

其山鎮曰霍山

正義鄭氏康成曰霍山在彘

賈疏屬王流于彘後為縣名漢改為永安縣

易氏祓曰霍山漢志霍太山在河東郡彘縣東唐及今晉州霍邑本漢彘縣霍山一名太岳在縣東三十里

案霍山一名霍太山亦名太岳今為中鎮在山西平陽府霍州東三十里山周二百餘里南接岳陽趙城二縣北接靈石縣東接沁源縣界

其澤藪曰楊紆

紆影俱反

正義鄭氏康成曰楊紆所在未聞

易氏祓曰楊紆注云未聞顏師古引

爾雅秦有楊紆李巡又以為在扶風而經乃在冀州未詳

其川漳

正義鄭氏康成曰漳出長子 賈氏公彥曰案禹貢

既脩太原至于岳陽覃懷底績至于衡漳注岳陽太原之南漳水橫流入河地理志漳水出上黨郡沾縣大黽谷東北至阜城入河冀州川行千六百八十里長子即上黨也 蔡氏沈曰漳水二一出上黨沾縣大黽谷今平定軍樂平縣少山也名為清漳一出上黨長子縣鹿谷山今潞州長子縣發鳩山也名為濁漳鄴道元謂之衡水又謂之橫水東至鄴合清漳東北至阜城入大河鄴今潞州涉縣也阜城今定遠軍



東光縣也

案清漳水出今山西平定州樂平縣西南三十里沽嶺水經注所謂少山大隈谷也東南流至河南彰德府涉縣交漳口會濁漳水又東北流入直隸界至廣平縣分二支一支東行入衛河一支為經流東北行經山東邱縣界復分二支一支北行入大陸澤一支為經流東北行經直隸清河阜城交河至青縣合衛河北流至天津西沽合桑乾諸水東行入海所謂老

漳河也其一支入大陸者亦東北行至天津西沽合諸水入海所謂新漳河也濁漳水出山西潞安府長子縣西五十里發鳩山亦東南流至交漳口會清漳其浸汾潞

正義鄭氏康成曰汾出汾陽

賈疏汾陽縣名

蔡氏沈曰汾

水出於太原經於太岳東入於河易氏祓曰汾水漢志出太原郡汾陽縣北山西南至汾陰入河冀州浸攷唐嵐州靜樂縣今屬澤州即漢汾陽縣之地汾

水東南流入太原府之交城陽曲太原清源文水五縣又東南流至汾州之溫城介休靈石汾西四縣又東南流入晉州之霍邑趙城洪洞臨汾四縣又東南流至絳州之正平稷山龍平三縣又南流至河中府之寶鼎縣北入於河

存疑鄭氏康成曰潞出歸德

賈疏歸德縣名

易氏祓曰唐

潞州潞城縣本漢潞縣屬上黨郡漳水一名潞水在縣北閼駟曰潞水在縣北為冀州浸即漳也蓋周以

濁漳為潞清漳為漳 黃氏度曰鄭注潞水出歸德  
今慶州華池縣無潞水杜佑曰潞出密雲郡密雲縣  
密雲今檀州水經鮑邱水從塞外来經密雲戍過幽  
州潞縣西酈道元曰鮑邱水入潞通得潞稱俗稱東  
潞此殆杜佑所謂密雲之潞也是在幽界非冀浸矣  
酈道元謂他川無可為浸者巨浪長湍惟漳水耳又  
案今潞城縣為春秋赤狄潞子嬰兒之國是則潞之  
得名已久漳水至潞為浸可以灌溉或以是也

案潞水有二其一即濁漳乃一水而二名閼駟謂潞水即漳水今潞安府潞城縣因水得名者也其一自塞外經密雲至天津入海者即今京東之北運河名爲白河亦曰潞河杜佑通典所指也諸儒皆以濁漳當之則一水而既謂之川復謂之浸豈其流者謂之川而潞者謂之浸與又漢時兩歸德縣一屬汝南一屬北地皆與河內冀州無涉漢志於北地郡歸德縣言洛水出非潞水也以康成之精博寧當以洛水爲

潞水乎顏師古注漢書亦依鄭說不可曉也北地歸  
德今慶陽府東北雍州之域豈可以言冀州邪易氏  
黃氏以濁漳為潞正在冀州之地但川與浸同是一  
水可疑耳

其利松柏其民五男三女其畜宜牛羊其穀宜黍稷

正北曰并州

并卑  
盈反

正義易氏被曰舜時有并州禹貢以并入冀殷因之  
周復分冀立并州以天下之勢言之冀州在西河之

東雍州在西河之西而并州在冀州之北故曰正北  
其山鎮曰恒山

正義鄭氏康成曰恒山在上曲陽 易氏被曰恒山  
一名常山漢志恒山郡上曲陽縣恒山北谷在西北  
并州山按唐定州恒陽縣有北嶽今改州為中山府  
縣為曲陽即漢之舊也

案恒山在今直隸定州曲陽縣西北百四十里又一  
在渾源州或云并州之鎮當主在渾源者

其澤藪曰昭餘祁

正義鄭氏康成曰昭餘祁在鄆

陸氏德明曰鄆縣屬太原郡

黃

氏度曰昭餘祁在汾州介休縣水經注汾水於大陵縣左迤為鄆澤地理志太原郡鄆縣九澤在北是為昭餘祁并州藪也呂氏春秋謂之大昭又侯甲水逕大谷謂之大谷水經祁縣故城南自縣連延西接鄆澤是謂祁藪樂史寰宇記昭餘祁俗名鄆城泊祁屬太原漢故縣也



案昭餘祁在今山西太原府祁縣東七里

其川庫池嘔夷

庫音呼池徒多反嘔翁侯反一音區

正義鄭氏康成曰庫池出鹵城嘔夷祁夷與出平舒

易氏被曰庫池河漢志代郡鹵城縣庫池河東至

參合入庫池別從河東至文安入海并州川其河自

鴈門縣西南流入崞與唐林二縣又西南流至忻州

秀容縣又西南流入定襄縣又南流至太原府之孟

縣又東流至恒州之靈壽真定九門藁城鼓城五縣

又東流至定州之無極縣又東流入深州之饒陽鹿城安平三縣又東南流入瀛州之高陽河間二縣又東流入莫州之唐興及莫縣以至任邱文安即漢志所謂至文安入海者也嘔夷鄭注疑即祁夷出平舒攷漢志代郡平舒縣有祁夷水北至桑乾入沽唐蔚州興唐縣本代郡地嘔夷一名寇水出縣西北之高氏山東北流至興唐縣又東流至瀛州之博野東入於河

案庫池水在今山西代州繁峙縣東北泰戲山至直隸天津府靜海縣小直沽入海嘔夷水在今大同府蔚州靈邱縣西北高氏山一名唐河至直隸保定府安州北合於易水 又案鄭注疑嘔夷為祁夷酈道元注水經以嘔夷即滹水師古注漢書則以并州之川為滹二說與鄭注不同據水經注滹水出代郡靈邱縣高氏山至長城入于易祁夷水出平舒縣至桑乾縣入濕水則祁夷之流短于滹不足槩一州之川

似當以道元師古二說為是但鄭說未必無據並存之

其浸涑易

正義鄭氏康成曰涑出廣昌易出故安 易氏祓曰涑水漢志代郡廣昌縣涑水東南至容城入河并州浸案唐蔚州飛狐縣即漢廣昌縣地有飛狐口涑水所出東南流至易州易縣又東北流至涑水縣又南流入容城縣即漢志所謂東至容城入河者也易水

漢志易水出涿郡故安縣閭鄉東至范陽入濡

即涑

并

州浸此言易出故安則近幽州之境案唐蔚州飛狐縣周屬并自縣北入媯州之懷戎即古飛狐口易水所出東南流至易州易縣至北方是漢涿郡故安縣之地又東流至涿州之歸義縣又東北流入涿州范陽縣之南界即漢志所謂至范陽入涑者也 黃氏度曰易水有三皆出易州易縣寰宇記北易一名安國河出縣西北窮獨山水經注所謂濡水也中易出

闕鄉城寬中谷東南流至古易京城與北易合流入  
巨馬河水經注易水與濡水互攝通稱南易出縣東  
南即山燕王仙臺東石虎置東流與電河會又東至  
霸州容城縣南流入高陽縣合漣水水經注又云易  
水至文安縣與虜池合班固闕駟皆以此為南易文  
安今霸州縣并之極東界

案涑水即拒馬河發源直隸易州廣昌縣流入紫荆  
關過易州西北界至房山縣境分為二支一東流涑

州經固安縣東南入桑乾河一南流涑水縣經定興  
新城入白溝河易水在易州南三十里發源易州寬  
中谷流至定興縣北河村合拒馬河入白溝河

其利布帛其民二男三女其畜宜五擾其穀宜五種

正義鄭氏康成曰五擾馬牛羊犬豕五種黍稷麥菽

稻也

賈疏六擾中雞為緩故去之若饋用六穀則兼有菰若民之要用則去菰故知為此五者

總論鄭氏康成曰凡九州及山鎮澤數言曰者以其  
非一表其大者耳諸州界揚荊豫兗雍冀與禹貢畧

同青州則徐州地也幽并則青冀之北也無徐梁

賈氏公彥曰周之兗州於禹貢侵青徐之地周之青

州於禹貢侵豫州之地周之雍豫於禹貢兼梁州之

地周之冀州小於禹貢時以北有幽并故也周之九

州無徐梁禹貢有徐梁無幽并蓋自古皆有九州惟

舜時置十二州至夏還為九州

易氏祿曰孔安國以禹貢九州為帝堯之

制遂謂治水之後舜分為十二州非也舜典始言肇十有二州次言咨十有二牧然後命禹平水土其先後次第可攷班史言堯遭洪水懷山襄陵天下分絕為十二州使禹治之水土既平更別九州列五服正



所以發明當而周之疆域又異也 經於三擾已上  
日置州之意

則言擾二擾則指畜名三種已上言種二者則指穀  
名 王氏安石曰九州之序禹貢始於冀次以兗而  
終於雍職方則始於揚次以荆而終於并者蓋禹貢  
言治水之序職方言遠近之序治水自帝都始然後  
順水性所便自下而上故自兗至雍而止以遠近言  
之則周之德化自西北而南以南為遠以遠為難至  
故也始於揚州則以揚在東南次以荆以荆在正南

終於并則以并在正北先遠而後近也 薛氏季宣  
曰冀兗青徐揚荆豫梁雍禹貢之九州也冀豫雍幽  
營揚兗荆徐爾雅之九州也揚荆豫青兗雍冀幽并  
職方之九州也郭璞以爾雅所稱為商制是商有幽  
營而無禹貢之梁青周有幽并而無禹貢之徐梁  
九州之內土高者宜黍稷下者宜稻麥山氣多男澤  
氣多女東南多絲纊西北多織皮先王於民因其東  
西南北之殊方山谷川浸之異宜男女之異數馬牛

羊豕之異產黍稷稻粱之異種丹漆絲枲之異利為  
之脩其教而不易其俗齊其政而不易其宜然後五  
方之民各安其性樂其業而臻一道同風之治矣  
李氏嘉會曰周九州與禹貢不同者周時都雍地不  
可以不廣梁州多險阻故合梁雍為一州徐地狹隘  
故青兼之堯舜都冀地壤最濶人民阜繁至周亦然  
故冀州分為幽并

案禹貢之分九州以山川為界河也海也淮也黑水

也此以川為界也岱也荆也衡也華也此以山為界也周官之分九州以八方三河為界正南也正東也正西也正北也此以四正之方為界也東南也東北也此以兩隅之方為界也河內也河南也河東也此以三河之地為界也雍州地廣故無西北而亦不及西南者是時嶺南之地未闢也職方列舉九州所利之物產與禹貢有無多寡不同何也禹貢詳邦國之貢物而職方則閭閻所利賴四民所恃以為生其

義各異也

乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外方五百里曰夷服又其外方五百里曰鎮服又其外方五百里曰藩服

正義鄭氏康成曰服服事天子也詩云侯服于周

賈氏公彥曰侯之言候為王斥候甸之言田為王治

田出稅男之言任也為王任其職理采者事也為王  
事民以供上衛者為王衛禦也蠻近夷狄蠻之言縻  
以政教縻來之自此已下皆夷狄矣夷者以其在夷  
狄中故以夷言之鎮者以其入夷狄深故須鎮守之  
藩者以其最在外為藩籬故以藩為稱也蠻服大司  
馬謂之要服亦是要束為義自侯服已下各舉一邊  
為號皆互通也其夷狄三服亦互通是以大行人  
總謂之蕃國世一見也 陳氏傅良曰周天下方七

千里大槩與四夷八蠻七閩九貉五戎六狄并言之  
其實諸侯封守不如是之廣也以王制攷之西不盡  
流沙南不盡衡山東不盡東海北不盡常山凡四海  
之內絕長補短方三千里且中國壤地亦有戎狄錯  
居其間如淮夷徐戎姜戎之類是也又荆楚之地在  
江漢間自楚以南悉為百越之地而衡山在楚之極  
南豈盡入中國之版圖邪舉一隅則四海可知鄭  
氏鐸曰九州各以其山川畫界而九畿自王畿出四

面畫之地形不能整方九服濶狹相補而足

案國語祭公謀父言甸侯賓要荒而以日祭月祀時享歲貢終王分繫之與此異蓋國語非也

通論蔡氏沈曰禹貢每服五百里五服則二千五百里南北東西相距五千里故益稷篇言弼成五服至于五千然堯都冀州冀之北境并雲中涿易亦恐無二千五百里籍使有之亦皆沙漠不毛之地而東南財賦之地則反棄於要荒以地勢攷之殊未可曉但



意古今地土盛衰不同當舜之時冀北之地未必荒  
落如後世耳亦猶閩浙之間舊為蠻夷淵藪而今富  
庶繁衍遂為上國不可以一時槩也周制九畿曰侯  
甸男采衛蠻夷鎮蕃每畿亦五百里而王畿又不在  
其中并之則一方五千里四方相距為萬里蓋倍禹  
服之數也漢地志亦言東西九千里南北一萬三千  
里先儒皆言禹服之狹而周漢地廣或以周服里數  
皆以方言或以古今尺有長短或以為禹直方計而

後世以人迹屈曲取之要之皆非的論蓋禹聲教所及則地盡四海而其疆理則止以五服為制至荒服之外又別為區畫如所謂咸建五長是已周漢則盡其地之所至而疆畫之也 邱氏曰職方九服而尚書周官唯曰六服羣辟罔不承德又曰五服一朝者蓋衛服之外聖人雖制之服而不必其來故武成叙諸侯之助祭洛誥稱諸侯之和會康王之誥陳諸侯之聽命止言五服而已

存疑鄭氏樵曰禹貢五服周官九服制雖不同詳攷之無不合蓋禹之五服各五百里自其一面而數之職方九服各五百里自其兩面而數之也周之王畿即禹之甸服但不在九服之內王畿之外始列為九服各五百里以兩面相方而數之周之侯甸即禹之侯服周之男采即禹之綏服周之衛蠻即禹之要服周之夷鎮即禹之荒服大率二畿當一服而周人鎮服之外又有五百里之蕃服去王城二千五百里乃

九州之外地增於禹貢五百里而已故大行人言九州之外謂之蕃服則九州之外又有五百里之蕃服明矣且禹貢既叙五服又曰東漸于海西被于流沙朔南暨聲教訖于四海是九州之外地也又益稷篇曰弼成五服至于五千州十有二師外薄四海咸建五長謂四海之外各建諸侯為之長豈非周之蕃服乎先儒有禹加弼萬里周斥封疆之說後人又為圖以實之皆攷古未精耳然尚書周官周禮大行人又

有六服承辟六服一朝之文何也蓋王巡守及於六服言六服則不及夷鎮言九州之內則不及鎮蕃明矣

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

七伯之七當  
依注作十一

正義鄭氏康成曰以此率徧知四海九州邦國多少之數也方千里者為方百里者百

賈疏方千里開方  
之百里一截縱橫

皆為十截十十而百以方三百里之積以九約之得則得為方百里者百

十一有奇云七伯者字之誤也

賈疏方三百里三三而九用為方百里者

九十九為十一伯餘有方百里者一不盡故云十一有奇十一似七字故云字之誤也

周九州

之界方七千里七七四十九方千里者四十九其一為畿內餘四十八州各有方千里者六一州之中

以其千里封公則可四以其千里封侯則可六以其千里封伯則可十一以其千里封子則可二十五以其千里封男則可百 鄭氏衆曰此制亦見大司徒

職諸公之地方五百里諸侯之地方四百里諸伯之  
地方三百里諸子之地方二百里諸男之地方百里  
賈氏公彥曰周惟二王後稱公今言方千里封公  
則四公明其法如此耳 林氏椅曰非實有此國也  
特計其地之廣狹所能容耳

案州方千里合九州其方三千里王制云爾注謂方  
七千里七七四十九與彼異

辨正朱子語類問鄭氏謂王制是夏商制中國方

三千里周公斥而大之方七千里所以不同如何曰  
鄭氏只文字上說得好看然甚不曉事情且如百里  
國增到五百里須併四箇百里國方做得一國其所  
併四國又當裂地封之如此則天下諸侯東遷西移  
改立宗廟社稷皆為騷動矣若如此趨去不數大國  
便無地可容何以處之武王當時封許多功臣之國  
緣當初滅國者五十得許多空地可封不然則周公  
太公亦自無安頓處孟子百里之說亦是大綱如此



說不是實攷見得古制也 向來陳君舉進制度說

周禮封疆方五百里是周圍五百里徑只百二十五里方四百里徑只百里方三百里徑只七十五里方二百里徑只五十里方百里徑只二十五里自奇其說與王制相合然本文方千里之地以封公則四公以封侯則六侯之類已有定數此說如何可通况男國二十五里則國君即今之一耆長耳何以為國

凡邦國小大相維王設其牧制其職各以其所能制其

貢各以其所有

正義鄭氏康成曰相維謂大國比小國小國事大國

各有屬相維聯也

案相維如相朝相聘相賻相弔救裁恤患及奉王命以討有罪之類

設其牧者選諸侯之賢者為牧使牧理之職牧監參

伍之屬用能所任秩次

賈疏注謂用其能者能稱職則以次祿秩之

所有

國之地物所有

賈疏即太宰九貢小行人春入貢及禹貢厥篚厥貢之類

案觀此經則大行人六服所貢各主一物乃入見時

貢而非歲貢之常可知矣

通論賈氏公彥曰王制五國以為屬屬有長十國以  
為連連有帥三十國以為卒卒有正二百一十國以  
為州州有伯亦相維之義牧即大宰建其牧是也  
王將巡守則戒于四方曰各脩平乃守攷乃職事無敢  
不敬戒國有大刑

正義鄭氏康成曰乃猶女也守謂國竟之內職事所  
當共具

及王之所行先道帥其屬而巡戒令

先悉  
薦反

正義鄭氏康成曰先道先由王所從道居前巡其前  
日所戒之令

王殷國亦如之

正義鄭氏康成曰殷猶衆也十二歲王若不巡守則  
六服盡朝謂之殷國其戒四方諸侯與巡守同

存疑黃氏度曰大宗伯職殷見曰同大行人職殷同  
以施天下之政此經曰殷國正謂時巡朝諸侯於方  
岳考制度大明黜陟也言殷國則巡守可知注謂十

二年王若不巡守則六服盡朝謂之殷國非也此年有故不出則次年亦當出矣

案殷國或在王城之外或在侯國皆有之王巡守亦因而舉此禮然究不可與巡守併作一事也此經上言巡守而下云王殷國亦如之則巡守與殷國為二事明矣但殷國不必於十二年王不巡守之期乃舉之蓋朝覲之隆禮非因不巡守故也詳見大行人職土方氏掌土圭之法以致日景以土地相宅而建邦國

都鄙

相悉  
亮反

正義鄭氏康成曰致日景者夏至景尺有五寸冬至

景丈三尺其間則日有長短也土地猶度地宅居也

知東西南北之深而相其可居者

賈疏景侵入為深  
地之遠近里數侵

入亦為  
深也

以辨土宜土化之灋而授任地者

正義鄭氏康成曰土宜謂九穀植穉所宜也土化地

之輕重糞種所宜用也

賈疏若草人職辨剛  
用牛赤緹用羊之類

任地者

載師之屬

案土宜土化之法皆以土之淺深剛柔燥濕風氣之寒燠而異故土方氏辨之

通論鄭氏鍔曰大司徒有土宜之法草人有土化之法土方氏則用是法以授任地者

王巡守則樹王舍

正義鄭氏康成曰為之藩羅 賈氏公彥曰掌舍設桎杻之時土方氏亦為王於外周市樹藩羅

懷方氏掌來遠方之民致方貢致遠物而送逆之達之以節

正義鄭氏康成曰遠方之民四夷之民也遠物九州

之外無貢法而至者

黃氏度曰謂貿易者

達民以旌節達貢物

以璽節

賈疏掌節職道路用旌節貨賄用璽節貢物即貨賄也

辨正陳氏汲曰注謂諭德延譽以來之則是漢武使

張騫輩說諭西域之法也蓋謂遠方之民有歸附者

則懷方氏懷之如大小行人之待諸侯耳



案疏方貢謂六服諸侯非也九服之貢皆大行人致之此曰來遠方之民則非貢使明矣蓋蕃國之民以貨物交易者或貢其方物亦不拒也政職以聚百物故設此官

治其委積館舍飲食

正義鄭氏康成曰續食其往來

賈疏遺人職十里有廬廬有飲食三十里

有宿宿有委五十里有市市有積司儀職遂行如入之積是續食其往來也

王氏昭禹

曰治其委積備其用也治其館舍安其居也治其飲

食順其嗜好也

合方氏掌達天下之道路

正義鄭氏康成曰津梁相湊不得陷絕

通其財利

正義鄭氏康成曰懋遷其有無

賈疏案尚書益稷篇懋遷有無化居蓋禹

治水後懋勉天下徙有之無易其居積材木徙川澤魚鹽徙山林是通其財利

同其數器壹其度量

正義鄭氏康成曰同者權衡不得有輕重壹者尺丈

釜鍾不得有大小

除其怨惡同其好善

惡安路反  
好呼報反

正義鄭氏康成曰怨惡謂邦國相侵虐所好所善謂

風俗所高尚

賈疏風謂政教所施詩序上以風化下  
又曰風以動之是也俗謂民所承襲曲

禮君子行禮不  
求變俗是也

案此官皆柔遠人之事除其怨惡者禁土豪為商旅  
患同其好善者彼此地產交相好善則貿遷者利其  
息故其文承通財利同數器壹度量之後也上懷方

氏來遠方之民此官達其道路以濟其不通懷方氏  
致遠物此官為之均調使樂往來也

訓方氏掌道四方之政事與其上下之志誦四方之傳

道

傳直  
專反

正義鄭氏康成曰道猶言也為王說之四方諸侯也  
上下君臣也傳道世世所傳說往古之事也為王誦  
之賈氏公彥曰政事及上下之志向王道未必誦  
之也若古昔之善道恒誦之於口王問則為王誦之

正歲則布而訓四方而觀新物

正義鄭氏康成曰布告以教天下使知世所善惡也

四時於新物出則觀之以知民志所好惡志淫行辟

賈疏王制命市納賈以觀民之所好惡志淫好辟則當以政教化正之

案四方之政事有得失上下之志有異同既以告於王則必褒嘉而飭正之故正歲布以為訓也觀新物則利於民用者可使四方倣效之所謂無者使有利者使阜也若作無益害有益則禁絕之所謂靡者使

微害者使亡也 司徒之屬有誦訓而復設此職者  
誦訓所掌獨其國故事此則周知其國政人心俗尚  
而使王知所以紀其政教也誦訓所掌獨巡守之事  
而此則布訓於四方也惟此職所誦四方之傳道即  
誦訓所道方志蓋此職采而達之而後誦訓道之司  
徒所布於邦國者教典之常也此所布之訓則因其  
國政人心俗尚之有偏而矯革化誘之者

形方氏掌制邦國之地域而正其封疆無有華離之地

華注音  
瓜  
苦哇反

正義鄭氏康成曰華讀為瓜哨之瓜正之使不瓜邪

離絕

賈疏地有瓜邪離絕相侵入故今正之瓜者兩頭寬中狹邪者謂一頭寬一頭狹投壺禮云枉

矢哨壺哨亦是不正之義

王氏安石曰華與記為國君削瓜華

之同義

案華析也離麗也地勢應屬此國而披於他國則在此為華在彼為離而統攝難爭端起矣故正之

使小國事大國大國比小國

比毗反

正義鄭氏康成曰比猶親也易比象曰先王以建萬國親諸侯

案諸侯不和多起於疆場之爭故事大比小政教多方而獨繫此職之末

山師掌山林之名辨其物與其利害而頒之于邦國使致其珍異之物

正義鄭氏康成曰山林之名與物若岱畎絲枲嶧陽

孤桐

賈疏禹貢於青州曰岱畎絲枲於徐州曰嶧陽孤桐岱畎嶧陽是其名絲枲孤桐是其物利



其中人用者害毒物及螫噬之蟲獸 賈氏公彥曰  
山師及下川師原師等皆遙掌畿外邦國之山川原  
隰等使出珍異以供王家也 王氏安石曰稻人職  
澤草所生種之芒種所謂利有如此者非特如注云  
中人用而已國語王孫滿曰夏之方有德也鑄鼎象  
物百物而為之備使民知神姦故民入川澤山林不  
逢不若魑魅魍魎莫能逢之非特毒物及螫噬之蟲  
獸也 王氏應電曰旅葵之訓曰不貴異物民乃足

不寶遠物則遠人格而此言致其異物者蓋物性不同自有非常之物可以療疾備用適欲用之不可必得故有則致之非以之為玩好而為常貢也

案名山大澤不以頒其餘山林川澤仍頒之於邦國而使致其珍異之物原師掌辨邱陵墳衍原隰之名物乃以建國邑與山師川師之職異故不言所致之物又原隰皆穀土無珍異之可致也

川師掌川澤之名辨其物與其利害而頒之于邦國使

致其珍異之物

正義鄭氏康成曰川澤之名與物若泗濱浮磬淮夷

蠙珠暨魚

賈疏見禹貢

澤之荏蒲

遼師掌四方之地名辨其丘陵墳衍遼隰之名物之可

以封邑者

遼同原

正義鄭氏康成曰地名謂東原大陸之屬

賈疏禹貢東原底平

大陸既作

賈氏公彥曰大司徒注土之高者曰丘大阜

曰陵水涯曰墳下平曰衍高平曰原平濕曰隰皆有

名 王氏安石曰辨其名以知平陂燥濕辨其物以知肥磽嫩惡

案封建國也邑制都鄙也五土獨掌其三者丘陵墳衍皆有穀土可計賦以建國邑山林川澤之小者則因其封域計其穀土相其形勢而頒之以為阻固焉  
山師川師遘師與地官虞衡問師之職同而事之所主則異問師所掌者任地而遘師則封國建邑以辨其疆圉虞衡所掌者作山澤之材而山師川師則

辨利害以為設險守國之本蓋五物九等國邑封域  
雖總於司徒而制畿封國則司馬之職故特設職方  
形方以專掌之而山師川師佐焉邦畿之外五地土  
壤達於四海閭師不能悉辨也故設邊師與山師川  
師司險掌固聯事而聽於職方以定城郭溝涂樹渠  
之分界也

辨正鄭氏鍔曰辨其丘陵墳衍原隰之名物之可以  
封邑者當為一句

匡人掌達灋則匡邦國而觀其慝使無敢反側以聽王命

正義鄭氏康成曰灋則八灋八則也邦國之官府都鄙亦用焉慝姦偽之惡也反側猶背違法度也書曰無反無側王道正直

賈疏書  
洪範篇

案灋則冢宰所建而使司馬之屬達之且觀其慝所以警不聽命者達灋則遂足以匡邦國者使其國之臣皆稟王朝之灋都鄙之吏皆守王朝之則諸侯雖

欲反側而勢不能行矣

擲人掌誦王志道國之政事以巡天下之邦國而語之

使萬民和說而正王面

擲同探語魚  
據反說音悅

正義鄭氏康成曰道猶言也以王之志與政事諭說  
諸侯使不迷惑面猶鄉也使民之心曉而正鄉王

案正王面所謂四面而內鄉也匡人達灋則而邦國  
之臣皆凜承乎王吏擲人誦王志而天下之民皆內  
鄉於京師此先王養諸侯而兵不試之道也齊魯之

衰民不知君而陪臣各固其私以成篡奪之漸則知止邪於未形周官之所慮遠矣

都司馬掌都之士庶子及其衆庶車馬兵甲之戒令

正義鄭氏康成曰庶子卿大夫士之子車馬兵甲備軍發卒 賈氏公彥曰宮伯注士適子庶子其支庶也此士庶子亦然

以國灋掌其政學以聽國司馬

正義鄭氏康成曰學脩德學道聽者受行其所徵為



也國司馬大司馬之屬皆是

賈疏經云國司馬不云大司馬則小司馬軍司

馬與司馬皆得稟其戒令

鄭氏鐸曰所以會其車甲卒伍財賦

者皆政也所以教其士庶子脩德學道者皆學也

案政若諸子宮伯掌固之所掌學若大司樂之所掌是即所謂國灋也都家士庶子之政學一以王國教胄子之灋治之以聽國司馬者有軍事則聽於諸子有守政則聽於掌固也

通論王氏與之曰古者國之子弟無時不加教無處

不有學退則學校受教於大司樂大胥諸子進在王  
所受教於師氏保氏入而宿衛宮伯案其在版者而  
教之出而守禦都司馬掌其政學以教之非若後世  
之教止於庠序而庠序之教又為具文

家司馬亦如之

正義鄭氏康成曰大夫家臣為司馬者春秋傳叔孫

氏之司馬駿戾

賈疏昭二十五年左傳叔孫氏之司馬駿戾言於其衆曰我家臣也不敢

知國諸侯之卿家自置司馬此王之卿大夫家亦是自置司馬故引以況義

案此謂家司馬視都司馬人數則少而平時掌戒令  
政學用國瀘有事聽於國司馬一與都司馬同也或  
以春官序官家宗人如都宗人之數例之謂此文與  
序官各使其臣以正於公司馬互錯求以事理之實  
決不可通蓋都家宗廟社稷以及諸祀大畧皆同故  
上士二人中士四人不得與都異若夫士庶子衆庶  
甲兵之數則小都視家亦四倍焉故上士中士外增  
設下士八人正以所統者衆耳若移此文於序官則

土地人民僅四分之一而官徒則同不惟無所用之  
且將何以供億乎移序官之文於本職則戒令政學  
不能該而各使其臣之義亦不顯矣

總論陳氏汲曰自大司馬至行司馬自諸子至旅賁  
氏自司甲至橐人自校人至圉師其他則環人戎右  
戎僕都家司馬皆與戎事者也自掌固至掌疆則司  
疆界者也自射人至掌畜則掌射而兼及鳥獸者也  
自大僕至隸僕及諸右諸馭則左右侍御僕從也自


職方氏至擇人掌輿地自內及外者也小子羊人掌  
祭祀則係焉司燿行火政則係焉候人掌方治則係  
焉挈壺氏司夜令則係焉司士掌朝儀弁師掌冠弁  
則又係焉設官分職或又以類相從或以事相補故  
不必皆軍政也

案大司馬掌邦政以兵事為主故凡兵甲車馬之政  
隸御僕從之官九州邦國之形勝阨塞要害皆屬焉  
兵事以賞罰為主故首司勲兵莫重於馬故馬質次

之政莫重於地故量人次之次以小子羊人者祭祀之事也繼以司燿者火政兵事之要也設險守固制勝於未形故掌固設險次之候望譏察蕭勺韋戩故掌疆候人環人又次之挈壺氏三軍之耳目故又次之射以武事而備禮樂自天子以至庶人皆習焉故射人次之服不氏射鳥氏羅氏掌畜皆因射而及之也司馬辨論官材司士佐之諸子以治國子司右以治戎右皆與射人之掌卿大夫者相次也虎賁旅賁

夾衛王居節服方相以衛車而及故相次焉大僕小  
臣祭僕御僕隸僕皆侍御之官又次之王車有五路  
乘車之冕弁各有宜故弁師次之車中甲兵戈盾弓  
矢具故司甲司兵司戈盾司弓矢繕人橐人次之戎  
右齊右道右為車右者所謂勇士也大馭戎僕齊僕  
道僕田僕馭夫御車者所謂僕夫也馬以駕車校人  
趣馬巫馬牧師廋人圉師圉人皆掌馬之官司馬官  
之所以名者此也職方土方懷方合方訓方形方以

及山師川師遠師匡人擇人皆所以周知天下之土地形勢山川林澤原野之險易而施訓道匡正之法焉司馬之職於是盡矣都家司馬在食邑采地者故附之



欽定周官義疏卷三十三